



天津交通銀行同
人俱樂部圖書室

左文襄公奏稿卷四十九

起光緒二年丙子八月訖十一月

目錄

詳陳攻拔古牧地克復烏魯木齊迪化州城戰狀請獎卹

出力陣亡各員弁摺

已革副都統李雲麟懇恩開復片

請救部查催各省協餉摺

搜剿竄賊布置後路進規南路摺

籌調客軍以資厚集摺

籌畫俄人交涉事務片

停撤歸化包頭甯夏採運片

奏稿卷四十九目錄

威儀軍裁併情形片

查明襲攻瑪納斯城失利確情摺

提督李良穆請在會甯縣城捐建忠義祠片

會師攻克瑪納斯南城詳細情形請獎卹出力陣亡各員

弁摺

請裁汰北路征軍摺

金順懇恩優敘并行查錫綸所帶定營餉項事宜片

請敕曾國荃速赴晉撫新任片

進規南路師期片

奏稿卷四十九 奏請獎卹 奏請開復 奏請查催 奏請籌畫 奏請停撤 奏請查明 奏請提督 奏請會師 奏請裁汰 奏請金順 奏請曾國 奏請進規

詳陳攻拔古牧地克復烏魯木齊迪化州城戰狀請 獎卹出力

陣亡各員弁摺

光緒二年八月
初一日會銜

奏爲詳陳官軍攻拔古牧地堅巢克復烏魯木齊迪化州等城戰狀分別請獎以勵軍心并籌布置情形恭摺仰祈

聖鑒事竊官軍會師進剿攻拔黃田賊柵古牧地堅巢克復烏魯木齊迪化州各城大概情形臣已於七月十八日專摺馳陳茲據總理行營營務三品卿銜布政使銜西甯道法福靈阿巴圖魯劉錦棠續報六月二十四日攻拔古牧地關壘并擊敗援賊大捷之後金順劉錦棠策馬巡視知古牧地城賊守備甚嚴金順遂飭所部環城正西西北西南三面結壘劉錦棠環城之正北東北正東

奏稿卷四十九

東南正南等面結壘抽派營勇於南城外晝夜修築礮臺以高過城身一丈爲度其各面原有礮臺均令培土鋪板以便安礮迨礮臺告成布置就緒金順督所部攻西北一帶并分開花銅礮一尊置湘軍礮臺二十六日劉錦棠飭甯夏鎮總兵譚拔萃率千總莊偉以開花大礮轟塌東北面城垛復用開花銅礮并劈山礮緊對缺口連轟之二十七日移開花大礮斜轟城之正東其轟塌缺口與東北相似復以開花小礮及劈山礮環攻不歇城內賊眾踞守益堅二鼓後劉錦棠傳集將領商定策略飭譚拔萃督同提督席大成副將湯仁和率左軍三營由東北缺口進攻漢中鎮總兵譚上連督同提督蕭元亨戴宏勝率右軍三營由正東缺口進攻均

各雷隊以遏賊竄知府羅長祐督同副將楊金龍及莊偉率親兵移開花大礮於正南礮臺伺天色嚮明指轟南門左側并調集標鉞快響槍七響洋槍劈山礮排列礮臺左右同時轟擊提督譚慎典譚和義率中軍左四旗參將董福祥副將張俊率董字兩營各飭勇丁囊土潛伏牆濠俟大礮轟有缺口卽行攻入直隸州知州袁垚齡提督唐國華湯秀齋率中軍右三旗列隊南城左右以備策應并遏賊出竄之路陝安鎮總兵余虎恩督同總兵陶鼎金率馬隊兩營提督黃萬鵬督同千總崔偉畢大才禹中海守備禹益長馬正國率馬隊五旗提督陶生林率馬隊一營分布正南一帶山岡提督張春發陳廣發率步隊兩營分布西南一帶平川俟城

奏稿卷四十九

二

賊出竄截擊布置已定劉錦棠自率老馬隊於城南山壘憑高督陣二十八日黎明開花大礮轟動南城左側子牆漸圯大礮測準連轟城身坍塌過半城頭悍賊潛伏城隈仰施槍礮官軍標鉞快響槍七響槍劈山礮連發子注如雨賊多死者城南壘中號鼓齊發南路攻城隊伍飛奔齊進賊猶以槍礮憑牆抵放官軍旣上缺口各以火包向賊紛擲後隊復囊土填濠一擁而入將施放槍礮拒賊悉數斬殺城中悍賊分扼巷口死拒譚慎典譚和義張俊董福祥等各督隊短兵相接斬馘甚眾時譚上連譚拔萃均已入城金順所部又由東北面併進合擊巷戰之賊斫殺殆盡其由缺口逸出者均經預派各馬步截殺無一漏網陝回頭目馬十姓爲禹

中海素識擒而斬之其餘所斬賊目則不知誰何也劉錦棠見賊已淨始飭所部收隊還營計是役擊斃殺斃焚斃悍賊不止五六千人生擒二百十五人拔出難民婦女幼孩甚眾奪獲賊馬二百餘匹槍礮旂幟刀矛無數劉錦棠所部陣亡員弁勇丁一百五十八員名受傷四百五十五員名據擒賊供回酋王智卽王治及金中萬均經官兵殲斃其安集延派援兩賊目一綳塞奇一玉孜把什共帶夷兵三百五十八人已於二十四日盡殲其城內夷兵除生擒外亦均於是日盡矣白逆彥虎本踞紅廟子時往來卡子溝未曾入城故得倖免此二十八日會師攻拔古牧地堅巢首要各逆擒斬淨盡之實在情形也劉錦棠入城察看尙存火藥硝磺

奏稿卷四十九

三

數千斤拾回漢文各一通閱係王治金中萬等被困求救於烏城逆首阿奇木者其批回言烏城精壯已悉數遣來見在三城防守乏人南疆之兵不能速至爾等可守則守否則退回烏城併力固守亦可阿奇木係帕夏派甘回馬人得所克之僞官管轄古牧地烏垣紅廟瑪納斯及僞王城回兵者所稱三城蓋指烏魯木齊迪化州及已死僞清真王妥得璘所築之王城所稱南疆則指安集延而言也劉錦棠以烏垣空虛當乘勝急攻遂一面知會金順一面派弁偵探據報稱卡子溝兩賊壘已空距卡子溝二十里之七道灣有賊竄走劉錦棠卽飭譚和義唐國華兩營畱守古牧地城餘隊均於二十九日黎明親督進烏垣金順亦督所部繼進行

近七道灣堡馬隊回報堡外尙有餘賊見官軍至飛騎而竄馬隊躡追斃賊十餘名劉錦棠卽畱董福祥步隊一營守堡餘隊悉拔前進行近烏城十里地方探報三城騎賊紛竄遂催馬步急進甫抵迪化州城北見竄賊千餘已出城里許向南奔逸劉錦棠立飭余虎恩陶生林陶鼎金率馬隊三營由左路追擊譚拔萃席大成張春發湯仁和率步隊四營繼之黃萬鵬崔偉畢大才禹益長馬正國禹中海率馬隊五旂由右路追擊譚上連蕭元亨戴宏勝陳廣發率步隊四營繼之譚慎典湯秀齋張俊率步隊三營由北城衝入劉錦棠率羅長祐袁垚齡及老馬隊親兵列隊城北旋據入城各營飛報城中悍賊百餘人悉經斬殺生擒賊十三名此外未

奏稿卷四十九

四

持械者悉釋勿誅劉錦棠復分隊入偽王城及烏魯木齊合金順所部將未竄零賊盡殺無遺據擒賊供二十四日古牧地關壘克復援賊敗退賊首馬人得與白彥虎等聚議以官軍銳不可當莫如先遣婦女輜重南竄畱精壯駐守再候消息嗣見官軍大至遂相率逃奔訊畢斬之適追賊馬步各營收隊入城據稱分追至十餘里地方賊回頭拌拒馬隊合力猛擊斬殺甚多陶鼎金顛受矛傷裹創與余虎恩黃萬鵬等急麾馬隊追殺至城南三十里之鹽池墩因踰此而南卽係戈壁未便深追時譚拔萃譚上連率步隊繼至遂與收隊而還是役斃賊約五六百名生擒二十六名劉錦棠所部陣亡員弁勇丁一百三十員名受傷四十七員名奪獲戰

馬七十餘匹拔出城中難民老幼婦女及避匿山谷者均設法安撫派營務委員直隸州知州袁堯齡經理其事一面商由金順暫委該員代理迪化州篆務以專責成烏城克復劉錦棠連派哨探擒獲零賊僉稱昌吉呼圖壁瑪納斯等城踞逆先後向南竄逸安集延酋帕夏遣來援賊四五千騎聞已至距烏城一百八十里之大板地方劉錦棠擬派隊迎擊旋謂知援賊已退遂止此二十九日會師連克烏魯木齊迪化州等城追擊竄賊之詳細情形也見在新疆北路一律肅清臣擬商金順錫綸布置各城堡要隘一面商辦善後事宜一面咨調張曜徐占彪會同劉錦棠進規南路并增派馬步各營及槍隊礮隊赴前敵助剿一俟布署妥畢再行馳

奏稿卷四十九

五

報竊維烏魯木齊各城自同治三年逆回妥明即妥得璘肇亂戕都統提督竊踞其中逾二年自稱爲清真王逆黨馬泰馬仲馬明馬官各署僞號分踞古牧地吐魯番瑪納斯等城又六年妥明喉黨與安集延戰於庫車爲安集延所敗安集延旋赴吐魯番糾妥明之黨馬仲併攻妥明妥明乞降仍令爲清真王踞守烏城別以馬仲爲阿奇木總管各事嗣徐學功帶隊進剿陣斬馬仲其子襲阿奇木僞職與妥明積不相能復糾安集延酋攻妥明妥明既斃馬明馬官等悉降自是安集延遂於此征收地稅令回漢雜髮易服效其舊俗皆光頂圓領以自別而烏垣各城遂淪爲異域矣安集延酋帕夏兩次與逆回搏鬪降妥明等盡掠其遺資搜括漢回

民人金帛轉輸南路實其窟穴而驅其丁壯踞守烏垣各城以爲屏蔽迫陝逆白彥虎糾陝甘悍回竄至自知勢力不敵安集延思藉爲聲援以自固凡帕夏所欲不敢違也故帕夏日富而土回日益貧比聞大軍由巴里坤古城浩蕩而來白逆亦薙髮易服竊附於安集延其給死黨與土回堅拒官軍自觀成敗伺閒脫走則又此賊之慣技也此次兵由北路而進一在扼其紛竄以省防兵一在下兵南路防其牽綴而自關內出兵踰伊吾車師之地越天山蒲類重險與犬羊相角逐不自忖兵力餉力之足與不足置成敗利鈍於不顧者蓋不得烏魯木齊無駐軍之所賊如紛竄無以制之不僅陝甘之憂卽燕晉內外蒙古將無息肩之日若停兵巴古以東瘠區兵少無以扼奔衝兵多徒以耗軍餉無論非時局所堪卽四海宴安軍儲贍裕亦斷難爲持久之計茲幸

聖謨廣運

宸慮獨操樞垣計部諸臣仰體

淵衷詳爲籌措俾行間將士得以壹意前驅旬日之間連下堅城

肅伸

天討固非微臣始念所及也在事尤爲出力文武各員著有微勞合無仰懇

天恩先加甄敘以昭激勸

賞穿黃馬褂三品卿銜布政使銜西甯道雲騎尉世職法福靈阿

巴圖魯劉錦棠忠勇罕儔機神敏速有謀能斷履險如夷實一時傑出之才其應如何
破格優獎之處出自

天恩

賞穿黃馬褂頭品頂帶記名提督甘肅甯夏鎮總兵嘎什普祥巴
圖魯譚拔萃

賞穿黃馬褂頭品頂帶題奏提督陝西漢中鎮總兵伯奇巴圖魯
譚上連

賞穿黃馬褂頭品頂帶題奏提督陝西陝安鎮總兵奇車博巴圖
魯余虎恩以上三員樸勇沈毅洞曉機宜此次督隊連克數城勳

奏稿卷四十九

七

勤卓著均請

破格恩施

賞穿黃馬褂頭品頂帶記名提督奇朗阿巴圖魯譚和義

賞穿黃馬褂頭品頂帶記名提督霍隆武巴圖魯席大成以上二
員勇敢過人饒有識略此次督隊攻城勞績丕著均請

破格恩施記名提督前署陝西漢中鎮總兵伯奇巴圖魯黃萬鵬
頭品頂帶記名提督克坦阿巴圖魯蕭元亨以上二員均請

賞穿黃馬褂二品頂帶陝西推補參將戢勇巴圖魯董福祥請免
補參將副將以總兵交軍機處記名遇有缺出請

旨簡放并

賞換清字勇號頭品頂帶記名提督葉鏗額巴圖魯陶生林頭品頂帶記名提督噯什蘭巴圖魯唐國華頭品頂帶記名提督阿克丹巴圖魯湯秀齋以上三員均請以提督畱於陝甘遇缺儘先題奏并請交部照頭等軍功從優議敘頭品頂帶記名提督剛安巴圖魯陳廣發請交部照頭等軍功從優議敘記名提督額爾克巴圖魯戴宏勝記名提督都隆額巴圖魯譚慎典遇缺題奏提督哲爾精阿巴圖魯張春發以上三員均請

賞給頭品頂帶并

賞給正一品封典總兵銜升用副將畱陝補用參將倭欣巴圖魯張俊請免補參將副將以總兵交軍機處記名遇有缺出請

奏稿卷四十九

旨簡放并

賞給正二品封典記名總兵胡敦巴圖魯陶鼎金請以提督交軍機處記名遇有提督總兵缺出請

旨簡放并

賞給正一品封典總兵銜湖北補用副將威勇巴圖魯湯仁和請免補副將以提督交軍機處記名遇有提督總兵缺出請

旨簡放并

賞給正一品封典

賞穿黃馬褂頭品頂帶記名提督果勒明阿巴圖魯羅照陞記名提督鷲勇巴圖魯賀長發以上二員均請

賞給正一品封典二品頂帶畱陝補用參將霍伽春巴圖魯李雙
良請免補參將以副將仍畱原省儘先補用并

賞加總兵銜藍翎拔補千總崔偉畢大才禹中海以上三弁均請
免補千總守備以都司畱於甘肅儘先補用并

賞換花翎花翎守備禹益長馬正國以上二員請免補守備以都
司畱於甘肅儘先補用頭品頂帶記名提督蘇彰阿巴圖魯李隆
寶頭品頂帶記名提督努克齊斯思琿巴圖魯李有成頭品頂帶
記名提督額爾德蒙巴圖魯趙寶林頭品頂帶記名提督匡義志
頭品頂帶記名提督多托哩巴圖魯潘長青記名提督伊白德巴
圖魯彭明達記名提督琿武巴圖魯彭楨祥記名提督奇車伯巴

奏稿卷四十九

九

圖魯張輔文以上八員均請交部照頭等軍功從優議敘記名提
督西吉爾琿巴圖魯李清勝記名提督烏勒興額巴圖魯彭連陞
記名提督效勇巴圖魯劉廣昌記名提督張錦文提督銜記名總
兵李克常補用提督陳義和記名提督霍欽巴圖魯蕭萬和記名
提督勝勇巴圖魯張玉輝記名提督法什尙阿巴圖魯劉象賢記
名提督壯勇巴圖魯周玉卿以上十員均請

賞給頭品頂帶周玉卿并

賞換清字勇號頭品頂帶記名提督訥恩登額巴圖魯陳建厚請

賞給正一品封典提督銜補用總兵伯奇額巴圖魯潘鳳翔提督
銜記名總兵奇勇巴圖魯劉兆元遇缺

簡放總兵李超羣補用總兵范守雲張仕林補用總兵強勇巴圖魯方南英總兵銜補用副將嚴勇巴圖魯蘇有慶雷甘補用副將易喜正提督銜補用總兵西林巴圖魯李泗益補用總兵奮勇巴圖魯唐宗堯記名總兵宋有貴補用總兵哈豐阿巴圖魯孫仕尙記名總兵楊文彪補缺後升用總兵陝西補用副將強勇巴圖魯楊金龍雷陝補用總兵綽勒果羅動額巴圖魯丁連科以上十五員均請以提督交軍機處記名遇有提督總兵缺出請

旨簡放李超羣楊文彪方南英唐宗堯蘇有慶并
賞換清字勇號范守雲張仕林李泗益并

賞給正一品封典總兵銜安徽補用副將梁冠葵請免補副將以

奏稿卷四十九

十

提督交軍機處記名遇有提督總兵缺出請

旨簡放補用總兵彰勇巴圖魯鄧政升請

賞加提督銜并

賞換清字勇號提督銜補用總兵易榮昌請以提督交軍機處記
名請

旨簡放記名提督執勇巴圖魯葛致清記名提督翌勇巴圖魯劉國斌補用提督進勇巴圖魯王義和記名提督勝勇巴圖魯楊秦球總兵銜補用副將秀勇巴圖魯蘇貴興記名總兵彥勇巴圖魯曾楚南總兵銜補用副將承勇巴圖魯龍春華補用副將承勇巴圖魯沈祥發補用副將銳勇巴圖魯楊玉恆以上九員均請

賞換清字勇號楊泰球并

賞給正一品封典楊玉恆并

賞加總兵銜補用總兵曹復勝記名總兵傅長春總兵銜畱甘補用副將李桂堂總兵銜補用副將余醒壽以上四員均請

賞給清字勇號補用總兵李春發補用副將田登雲副將銜補用參將唐華光沈寶堂補用參將鍾瓊林參將銜補用遊擊廖廷贊王建林副將銜補用參將董天海補用都司姚建仁董占富以上十員均請

賞給勇號副將銜補用參將劉福田請免補副將參將以總兵交軍機處記名遇有總兵缺出請

奏稿卷四十九

十一

旨簡放并

賞給勇號總兵銜推補副將機勇巴圖魯朱凌雲補用副將周世福王秀偉許得勝蔣太和朱星貴副將銜補用參將忠勇巴圖魯岳朝珍補用副將桓勇巴圖魯胡克華副將銜補用參將汪友德謝復勝補用副將壯勇巴圖魯劉長其總兵銜補用副將王太山陳國明張佳志以上十四員均請免補副將以總兵交軍機處記名遇有總兵缺出請

旨簡放朱凌雲岳朝珍胡克華朱星貴汪友德王太山并

賞加提督銜周世福并

賞給清字勇號王秀偉謝復勝陳國明并

賞給勇號副將銜補用參將楊先勝田仲魁王俊邦補用參將熊瑞堂彭勝全藍翎補用參將伍得榮補用參將雄勇巴圖魯胡登花補用參將尙勇巴圖魯張果以上八員均請免補參將以副將儘先補用并

賞加總兵銜伍得榮并

賞換花翎彭勝全田仲魁并

賞給勇號兩江補用參將胡少廷請

賞加副將銜并

賞給勇號兩江補用參將毅勇巴圖魯陳鵬翥副將銜畱陝補用參將便勇巴圖魯趙輝南副將銜湖南補用參將彭秀文畱甘補

奏稿卷四十九

三

用參將黃得雲石蘊玉以上五員均請免補參將以副將仍畱各原省儘先補用陳鵬翥趙輝南并

賞換清字勇號陳鵬翥趙輝南彭秀文黃得雲石蘊玉均

賞加總兵銜石蘊玉并

賞給清字勇號補用副將徐文麟請以本班畱於江西儘先補用并

賞給勇號補用遊擊張復良請免補遊擊參將以副將儘先補用并

賞給勇號畱陝甘補用遊擊會昭德請免補遊擊參將以副將仍畱原省儘先推補補用遊擊李明清請免補遊擊參將以副將儘

先補用并

賞給勇號補用參將鄭得茂王廷俊副將銜補用參將張友雲以上三員均請免補參將以副將畱於甘肅儘先補用并

賞給勇號補用遊擊馮金山蕭長青李能傑王中才彭常茂劉道忠張金發王金勝汪大吉萬本華彭得清劉高漢方成德查春華遊擊銜補用都司趙自新楊其祥以上十六員均請免補遊擊以參將儘先補用馮金山李能傑王中才彭常茂劉道忠趙自新并賞給勇號蕭長青張金發王金勝汪大吉萬本華彭得清劉高漢方成德查春華并

賞加副將銜補用遊擊譚正南畱陝補用遊擊杜錫斌以上二員

奏稿卷四十九

三

均請免補遊擊以參將儘先補用譚正南并

賞加副將銜杜錫斌并

賞給勇號花翎補用都司吳首懷請免補都司遊擊以參將儘先補用并

賞加副將銜補用遊擊楊厚德請免補遊擊以參將儘先補用并賞加副將銜補用都司宋祖喜李永昭二員均請免補都司遊擊以參將儘先補用畱陝補用遊擊胡得貴請免補遊擊以參將仍畱原省儘先補用并

賞加副將銜補用遊擊胡桂廷請免補遊擊以參將儘先補用并賞加副將銜補用遊擊田九福請免補遊擊以參將畱於陝西儘

先補用并

賞加副將銜花翎補用都司賀雲陶藍翎補用都司張立德都司銜補用守備江三元許獻德張花趙輔清張管英等七員均請免補都司以遊擊儘先補用賀雲陶并

賞給勇號張立德并

賞換花翎江三元許獻德張花并

賞加參將銜安徽補用遊擊羅成魁請

賞加參將銜補用都司譚法青請免補都司以遊擊儘先補用并
賞給勇號藍翎補用守備張大林請免補守備都司以遊擊儘先補用并

奏稿卷四十九

西

賞換花翎花翎守備楊榮貴請免補都司守備以遊擊儘先補用
藍翎補用都司周福貴請免補都司以遊擊畱於甘肅儘先補用
并

賞換花翎補用守備陳得時趙奉樂藍翎補用守備史得萼以上
三員均請免補都司守備以遊擊儘先補用史得萼并

賞換花翎補用守備劉萬明請免補都司守備以遊擊畱於陝西
儘先補用藍翎補用守備馬正揚蕭益星鄒占春補用守備王保
山藍翎守備銜拔補千總魏其德胡得成都司銜補用守備李有
倉黃貴倪元宵守備銜拔補千總苗生有以上十弁均請免補守
備以都司儘先補用馬正揚蕭益星鄒占春王保山李有倉黃貴

倪元宵并

賞加遊擊銜馬正揚蕭益星魏其德胡得成并

賞換花翎鄒占春并

賞給勇號補用守備趙楚南藍翎補用守備黎貴發以上二員均請免補守備以都司畱於陝甘儘先補用并

賞加遊擊銜藍翎補用守備雷開明請免補守備以都司儘先補用并

賞加遊擊銜

賞換花翎藍翎拔補千總莊偉藍翎守備銜拔補千總連福以上二弁均請免補千總守備以都司儘先補用并

奏稿卷四十九

五

賞換花翎花翎五品頂帶補用衛千總左執贊請免補千總守備以都司儘先補用并

賞加遊擊銜藍翎補用千總譚用賓湯殿恆以上二弁均請免補千總守備以都司儘先補用并

賞換花翎藍翎拔補千總高必達黎積善左長清以上三弁均請免補千總以守備儘先補用并

賞加都司銜

賞換花翎藍翎拔補把總賈永清李先藻喻文定湯如發藍翎拔補把總崔金魁米萬榮黑萬貴哈萬虎郭定祥李金良禹寶山黑明昌禹彥發符永先以上十四弁均請免補千總把總以守備儘

先補用并

賞換花翎喻文定并

賞加都司銜軍功胡德馬源均請免補外委把總以千總儘先拔補并

賞戴藍翎六品軍功馬榮請免補外委以把總儘先拔補并

賞戴藍翎花翎畱陝補用知府羅長祜請免補本班以道員仍畱原省遇缺儘先題奏并

賞加按察使銜花翎陝西候補知府黃光達請免補本班以道員仍畱原省儘先補用花翎知府用浙江候補同知直隸州知州袁垚齡請免補本班以知府仍畱原省歸軍功候補班前補用并

奏稿卷四十九

末

賞加鹽運使銜遇缺選用知縣胡焜請免選本班以知州分發省分歸候補班前補用并

賞戴花翎舉人揀選知縣關隴肅清各項差使案內彙保分省補用知縣蔡掄科請免補知縣以知州分省歸候補班前補用并

賞戴花翎知縣用分省補用府經歷虞志雲分省補用縣丞左承伯以上二員均請免補本班以知縣仍分發省分歸候補班前補用并

賞加同知銜

賞戴花翎藍翎分省補用縣丞劉式南劉昭南以上二員均請免補本班以知縣仍分發省分歸候補班前補用并

賞加同知銜

賞換花翎花翎鹽提舉銜儘先卽選知縣段兆熊請免選本班以同知直隸州知州分發省分歸軍功候補班前補用分省補用縣丞吳忠炳會廣疆以上二員均請免補本班以知縣仍分發省分歸候補班前補用并

賞戴藍翎六品銜分省補用從九品高樟請免補本班以縣丞仍分發省分歸候補班前補用并

賞戴藍翎卽選從九品周宗恆請免選本班以縣丞畱於甘肅歸候補班前補用并

賞戴藍翎鹽運使銜陝西候補道王詩白請

奏稿卷四十九

七

賞加二品頂帶并

賞給三代正二品封典陝西候補知府周漢請免補本班以道員仍畱原省儘先補用此外出力員弁勇丁容卽核明彙案保奏陣亡記名提督松勇巴圖魯楊萬義記名總兵王春和總兵銜兩湖補用副將徐桂林儘先補用副將朱炳森蒯發祥沈有金彭文英參將銜補用遊擊彭懷壽補用遊擊邱長明都司周金龍周俊德劉接亨王蘭惠謝麒麟會添龍守備喬松山蕭有連殷長發戴榮華劉高升林宗貴許占雲徐得雲蔡永福黃清平陳明高李養元蕭華富陳紫林王得意曹東漢蘇春華陳東林把總郭玉堂王春和張致祥周友玉王玉貴譚長易蔣松泉趙義勝馬吉祥彭廣仁

外委麻天元六品軍功湯雲龍楊海堂林昌炳宋玉發陳志勝祁班成侯牛九宋先登姚家玉陳勝發鄧家全賀永壽蕭永明龍丕承姚金榮羅永發以上六十員名均係攻堅奪隘血戰捐軀深堪憫惻應請

旨敕部各照官階從優議卹餘俟查明彙奏至金順一軍戰狀詳細除由金順自行馳奏外謹將劉錦棠會師進剿攻拔古牧地城堅巢克復烏魯木齊迪化州各城池戰狀詳細情形會同幫辦軍務臣金順合詞具陳伏乞

皇太后

皇上聖鑒訓示謹 奏

奏稿卷四十九

文

軍機大臣奉

旨另有旨欽此

已革副都統李雲麟懇

恩開復片

光緒二年八月初一日

再已革副都統銜前布倫托海辦事大臣李雲麟於同治十二年閒經臣以該革員剛明耐苦性不好利奏調赴臣營差委奉

旨允准該革員旋因親老聲請本旂奏准終養隨丁父憂光緒元年服闋復經呈請本旂奏赴軍營差委奉

旨依議該革員領憑由京起程本年二月抵臣軍營時值總理行營營務道員劉錦棠率師出塞臣令李雲麟偵察賊情諷稽地利一切資其贊畫見在新疆北路肅清規復南路不但軍務需才以後經理地方亦正需指臂之助李雲麟質地實堪造就早經陳明合無仰懇

奏稿卷四十九

九

天恩准將李雲麟開復副都統銜并

賞還翎枝由臣加意磨礮消其躁志矜情歸於穩實隨時差委冀可成一人材於西事不無裨益謹附片具陳伏乞

聖鑒訓示謹 奏

軍機大臣奉

旨另有旨欽此

光緒二年八月十六日內閣奉

上諭前據左宗棠奏攻拔古牧地堅巢克復烏魯木齊迪化州各城大概情形業經降旨宣示茲復據該督將詳細情形馳奏與金順前奏大略相同道員劉錦棠會同金順督兵進攻古牧地連戰大捷偪壘轟擊立拔堅城首要各逆擒斬淨盡并將安集延援賊一律殲除乘勝進兵賊眾奔竄追殺數十里斬馘多名連克烏魯木齊迪化州等城勦辦極爲得手所有尤爲出力之西甯道劉錦棠著賞給騎都尉世職提督譚拔萃譚上連余虎恩譚和義席大成均著賞給雲騎尉世職黃萬鵬蕭元亨均著賞穿黃馬褂參將董福祥著免補參將副將以總兵交軍機處記名遇有缺出請旨

奏稿卷四十九

三

簡放并賞換阿爾杭阿巴圖魯名號提督陶生林等均著以提督畱於陝甘遇缺儘先題奏并交部照頭等軍功從優議敘陳廣發著交部照頭等軍功從優議敘戴宏勝等均著賞給頭品頂带并賞給正一品封典參將張俊著免補參將副將以總兵交軍機處記名遇有缺出請旨簡放并賞給正二品封典總兵陶鼎金著以提督交軍機處記名遇有提督總兵缺出請旨簡放并賞給正一品封典副將湯仁和著免補副將以提督交軍機處記名遇有提督總兵缺出請旨簡放并賞給正一品封典提督羅照陞等均著賞給正一品封典參將李雙良著免補參將以副將仍畱陝西儘先補用并賞加總兵銜千總崔偉等均著免補千總守備以都司

畱於甘肅儘先補用并賞換花翎守備禹益長等均著免補守備以都司畱於甘肅儘先補用提督李隆寶等均著交部照頭等軍功從優議敘李清勝等均著賞給頭品頂帶內周玉卿并賞換喀爾莽阿巴圖魯名號陳建厚著賞給正一品封典總兵潘鳳翔等均著以提督交軍機處記名遇有提督總兵缺出請旨簡放內李超羣并賞給愛興阿巴圖魯名號楊文彪并賞給霍隆額巴圖魯名號方南英并賞換蘇章阿巴圖魯名號唐宗堯并賞換額騰額巴圖魯名號蘇有慶并賞換博卿額巴圖魯名號范守雲等三員并賞給正一品封典副將梁冠葵著免補副將以提督交軍機處記名遇有提督總兵缺出請旨簡放總兵鄧政升著賞加提督銜

奏稿卷四十九

三

并賞換西吉爾琿巴圖魯名號易榮昌著以提督交軍機處記名請旨簡放提督葛致清著賞換音德本巴圖魯名號劉國斌著賞換噶爾薩巴圖魯名號王義和著賞換阿克丹巴圖魯名號楊泰球著賞換伊勒通額巴圖魯名號并賞給正一品封典副將蘇貴興著賞換額騰依巴圖魯名號總兵曾楚南著賞換年常阿巴圖魯名號副將龍春華著賞換霍伽春巴圖魯名號沈祥發著賞換圖勒炳阿巴圖魯名號楊玉恆著賞換穆特恩巴圖魯名號并賞加總兵銜曹復勝著賞給尼鏗額巴圖魯名號傅長春著賞給格洪額巴圖魯名號副將李桂堂著賞給訥恩登額巴圖魯名號余醒壽著賞給阿克敦巴圖魯名號總兵李春發著賞給直勇巴圖

魯名號副將田登雲著賞給志勇巴圖魯名號參將唐華光著賞給克勇巴圖魯名號沈寶堂著賞給資勇巴圖魯名號鍾瓊林著賞給桓勇巴圖魯名號遊擊廖廷贊著賞給固勇巴圖魯名號王建林著賞給銳勇巴圖魯名號參將董天海著賞給果勇巴圖魯名號都司姚建仁著賞給綽勇巴圖魯名號董占富著賞給尙勇巴圖魯名號參將劉福田著免補參將副將以總兵交軍機處記名遇有總兵缺出請旨簡放并賞給奮勇巴圖魯名號副將朱凌雲等均著免補副將以總兵交軍機處記名遇有總兵缺出請旨簡放朱凌雲等六員并賞加提督銜周世福并賞給法克精阿巴圖魯名號王秀偉并賞給捷勇巴圖魯名號謝復勝并賞給確勇

奏稿卷四十九

三

巴圖魯名號陳國明并賞給勁勇巴圖魯名號參將楊先勝等均著免補參將以副將儘先補用并賞加總兵銜伍得榮并賞換花翎彭勝全并賞給敢勇巴圖魯名號田仲魁并賞給強勇巴圖魯名號參將胡少廷著賞加副將銜并賞給效勇巴圖魯名號陳鵬翥等均著免補參將以副將仍畱各原省儘先補用陳鵬翥并賞換倭欣巴圖魯名號趙輝南并賞換喀勒沖依巴圖魯名號陳鵬翥等五員并賞加總兵銜石蘊玉并賞給琫武巴圖魯名號副將徐文麟著以本班畱於江西儘先補用并賞給堅勇巴圖魯名號遊擊張復良著免補遊擊參將以副將儘先補用并賞給健勇巴圖魯名號曾昭德著免補遊擊參將以副將仍畱陝甘儘先推補

李明清著免補遊擊參將以副將儘先補用并賞給勝勇巴圖魯名號參將鄭得茂等均著免補參將以副將畱於甘肅儘先補用鄭得茂并賞給策勇巴圖魯名號王廷俊并賞給靖勇巴圖魯名號張友雲并賞給鼓勇巴圖魯名號遊擊馮金山等均著免補遊擊以參將儘先補用馮金山并賞給猛勇巴圖魯名號李能傑并賞給碩勇巴圖魯名號王中才并賞給偉勇巴圖魯名號彭常茂并賞給濟勇巴圖魯名號劉道忠并賞給侃勇巴圖魯名號趙自新并賞給勃勇巴圖魯名號蕭長青等九員并賞加副將銜譚正南等均著免補遊擊以參將儘先補用譚正南并賞加副將銜杜錫斌并賞給著勇巴圖魯名號都司吳首懷著免補都司遊擊以

奏稿卷四十九

三

參將儘先補用并賞加副將銜遊擊楊厚德著免補遊擊以參將儘先補用并賞加副將銜都司宋祖喜等均著免補都司遊擊以參將儘先補用遊擊胡得貴著免補遊擊以參將仍畱陝西儘先補用并賞加副將銜胡桂廷著免補遊擊以參將儘先補用并賞加副將銜田九福著免補遊擊以參將畱於陝西儘先補用并賞加副將銜都司賀雲陶等均著免補都司以遊擊儘先補用并賞陶并賞給驍勇巴圖魯名號張立德著賞換花翎江三元等三員并賞加參將銜遊擊羅成魁著賞加參將銜都司譚法青著免補都司以遊擊儘先補用并賞給彪勇巴圖魯名號守備張大林楊榮貴均著免補都司守備以遊擊儘先補用張大林并賞換花翎

周福貴著免補都司以遊擊雷於甘肅儘先補用并賞換花翎守備陳得時等均著免補都司守備以遊擊儘先補用內史得萼并賞換花翎劉萬明著免補都司守備以遊擊雷於陝西儘先補用馬正揚等均著免補守備以都司儘先補用馬正揚等七員并賞加遊擊銜馬正揚等四員并賞換花翎鄒占春并賞給迅勇巴圖魯名號趙楚南等均著免補守備以都司雷於陝甘儘先補用并賞加遊擊銜雷開明著免補守備以都司儘先補用并賞加遊擊銜賞換花翎千總莊偉等著免補千總守備以都司儘先補用并賞換花翎左執簧著免補千總守備以都司儘先補用并賞加遊擊銜譚用賓等均著免補千總守備以都司儘先補用并賞換花

奏稿卷四十九

酉

翎高必達等均著免補千總以守備儘先補用并賞加都司銜賞換花翎把總賈永清等均著免補千總把總以守備儘先補用并賞換花翎內喻文定并賞加都司銜軍功胡德等均著免補外委把總以千總儘先拔補并賞戴藍翎馬榮著免補外委以把總儘先拔補并賞戴藍翎知府羅長祐著免補本班以道員仍雷陝西遇缺儘先題奏并賞加按察使銜黃光達著免補本班以道員仍雷陝西儘先補用候補同知直隸州知州袁壺齡著免補本班以知府仍雷浙江歸軍功候補班前補用并賞加鹽運使銜知縣胡焜著免選本班以知州分發省分歸候補班前補用并賞戴花翎蔡掄科著免補知縣以知州分發省分歸候補班前補用并賞戴

花翎府經歷虞志雲等均著免補本班以知縣仍分發省分歸候
補班前補用并賞加同知銜賞戴花翎縣丞劉式南等均著免補
本班以知縣仍分發省分歸候補班前補用并賞加同知銜賞換
花翎知縣段兆熊著免選本班以同知直隸州知州分發省分歸
軍功候補班前補用縣丞吳忠炳等均著免補本班以知縣仍分
發省分歸候補班前補用并賞戴藍翎從九品高樟著免補本班
以縣丞仍分發省分歸候補班前補用并賞戴藍翎周宗恆著免
選本班以縣丞畱於甘肅歸候補班前補用并賞戴藍翎道員王
詩白著賞給二品頂帶并賞給三代正二品封典知府周漢著免
補本班以道員仍畱陝西儘先補用其餘出力員弁兵勇著左宗

奏稿卷四十九

五

棠查明彙案保獎陣亡之提督楊萬義總兵王春和總兵銜副將
徐桂林副將朱炳森蒯發祥沈有金彭文英參將銜遊擊彭懷壽
遊擊邱長明都司周金龍周俊德劉接亨王蘭惠謝麒麟會添龍
守備喬松山蕭有連殷長發戴榮華劉高升林宗貴許占雲徐得
雲蔡永福黃清平陳明高李養元蕭華富陳紫林王得意曹東漢
蘇春華陳東林把總郭玉堂王春和張致祥周友玉王玉貴譚長
易蔣松泉趙義勝馬吉祥彭廣仁外委麻天元六品軍功湯雲龍
楊海棠林昌炳宋玉發陳志勝祁班成侯牛九宋先登姚家玉陳
勝發鄧家全賀永壽蕭永明龍丕承姚金榮羅永發均著交部各
照官階從優議卹餘著查明彙奏請卹另片奏請將已革辦事大

臣量予恩施等語已革副都統銜前布倫托海辦事大臣李雲麟
著開復副都統銜并賞還翎枝該部知道欽此

奏稿卷四十九

三

請

敕部查催各省協餉摺

光緒二年八月初一日

奏爲各省協餉延欠未解請

旨敕下部臣核明已解未解成數分別行催以資軍食而利戎機仰祈

聖鑒事竊臣軍出關餉需疊奉

諭旨准發部款二百萬兩各省提前解三百萬兩借洋款五百萬兩各省協款毋得以八成自限如不能解至八成以上部臣從嚴參辦臣奉

旨後通盤籌畫竊計本年的餉部款與提前協款外尙有各省應解八成以上實銀足資周轉洋款自宜從緩商借已於四月十三

奏稿卷四十九

三

日奏明在案所以緩借洋款者原以各省八成以上協款必可恃也溯自奉

旨日起截至六月底止據西征糧臺陸續報收部款二百萬兩各省提前協餉二百四十餘萬兩其非提前之協餉亦四十餘萬兩共約收銀四百八九十萬兩該糧臺於收到後歸還上年息借商銀及雷支應發各款餘解蘭州幫辦陝甘軍務臣劉典於收到後除發關內各營鹽菜火食糧運經費暨緊要各款外儘解臣營隨撥給前敵各營餉需俄人糧價哈密巴里坤古城等處採運各費以上計共發銀三百數十萬兩計合各處收發抵算存銀僅止一百數十萬兩刻下烏垣各城以次克復遠征士卒轉戰勞苦則餉

需不可缺也新糧登場急宜收購則採買不可緩也白露已過駝起廠則轉運不可歇也各城新克百廢待興亟須設官駐營舉行賑濟屯墾諸政賊蹤既聚南路又將移巴里坤古城哈密之師兼調馬步各營會剿亟須辦理軍火糧運局勢愈闊需用愈多通盤籌畫儘目前存項計之計九月十月以後餉事又當斷絕伏念夏閒奏請緩借洋款所恃者各省協餉解至八成以上尙期周轉近查各省協餉惟福建一省解數尙有長餘浙江江西湖南山東次之餘皆未能如數起解其次數最多者莫如廣東江蘇兩省廣東除舊欠二百四十餘萬兩不計本年提前之五十萬兩見未解及十分之一江蘇除舊欠一百七十餘萬兩不計本年應協之六十五萬兩見未解及十分之二且於協款以外常年應解老湘軍餉每月四萬五千兩一款今年連閏八箇月并未起解臣雖以西征軍餉代爲挪墊三十餘萬兩暫顧急需而函牘頻催該督臣撫臣未應亦未復也臣維西征軍士久荷

恩卹至優且渥部臣亦仰體

聖懷深知邊防爲重綜覈綦嚴在各省餉數有無虧欠何嘗不了然於心西事艱難何嘗不了然於口臣何敢復贅一詞徒取憎厭部議統俟年終核計自應靜以俟之第師行絕域而且愈行愈遠距協餉各省均在數千里萬里以外卽令各省如期起解臣隨收隨發尙有緩不濟急之虞若各省遲速難期臣更何從措手見在

局勢尚順正盼餉事應手迅赴戎機如待年終核辦卽令嚴參催解而已坐失事機未免可惜且枵腹遠征萬一利鈍靡常則大局尤不堪設想也合無仰懇

天恩敕下部臣查明各省協餉已解未解成數分別嚴催庶邊防攸賴士氣常新微臣得所藉手斷不敢老師糜餉自外

生成感荷

皇仁曷有旣極所有臣軍需餉緊急請

敕部臣查核嚴催各緣由理合恭摺陳明伏乞

皇太后

皇上聖鑒訓示謹 奏

奏稿卷四十九

完

軍機大臣奉

旨另有旨欽此

軍機大臣字寄光緒二年八月十六日奉

上諭左宗棠奏克復烏魯木齊等城詳細情形請將出力陣亡各員獎卹并請將李雲麟開復各摺片已明降諭旨賞給劉錦棠等世職及文武員弁照所請分別獎卹矣烏魯木齊滿漢兩城及古牧地昌吉呼圖壁各城均經收復一切善後事宜亟應妥爲籌畫左宗棠見在咨商金順錫綸布置各城堡要隘并咨調張曜徐占彪會同劉錦棠進規南路添派馬步等隊赴前敵助剿辦理極爲周妥惟瑪納斯尙未據報攻克金順前奏督軍進徧想經得手北路是否一律肅清有無餘匪四出分竄探報獲賊供稱昌吉呼圖壁瑪納斯等城踞逆先後向南竄逸究竄何處安集延援賊尙有

奏稿卷四十九

三

四五千騎逆首白彥虎亦在逃未獲是賊匪眾多鋌而走險亟應設法殲除毋任滋蔓金順等布置各城堡要隘及烏魯木齊等處善後事宜卽著與左宗棠隨時會商悉心經理毋稍疏虞張曜等軍旣經咨調哈密一帶能否不至空虛張曜是否由南路進剿應如何通盤籌畫以期兼顧著左宗棠審慎以圖勿稍大意一面飭令各軍乘此聲威將南路各城以次攻拔迅奏膚公左宗棠請將李雲麟開復副都統銜賞還翎枝業已降旨照准該員從前辦理軍務不能得力其性情矜躁亦爲該大臣所深知惟旣稱其質地尙堪造就卽著左宗棠隨時裁抑使之言行相副以成有用之材另摺奏請催各省速解欠餉等語已諭令沈葆楨等迅速籌解矣

將此由六百里各諭令知之欽此

奏稿卷四十九

三

軍機大臣字寄光緒二年八月十二日奉

上諭金順奏攻克輯懷烏魯木齊昌吉等城詳細情形乘勝克復呼圖壁景化城各一摺已明降諭旨宣示出力陣亡各員弁均照請分別獎卹矣西路各城業經次第攻克事機頗爲順手亟應乘此聲勢先將瑪納斯城攻拔以次廓清南路戡定西陲金順見已親率各隊督勦瑪納斯賊匪卽著激勵將士將該城合力圍攻務使醜類聚殲毋任逃竄其各城敗殘餘匪究竟竄向何處且白彥虎見尙稽誅豈可任其漏網著左宗棠金順飭令各營偵探賊蹤實力攻勦迅將首逆并其餘黨與一鼓殲除毋令四出紛竄滋蔓難圖新復各城防守事宜并著左宗棠金順妥爲布置將此由六

奏稿卷四十九

三

百里各諭令知之欽此

軍機大臣字寄光緒二年八月十四日奉

上諭吉爾洪額奏追撫潰兵伏罪請旨各摺片吉爾洪額不遵金順調度率領兵隊擅自北行茲據所奏各情顯係飾詞瀆辯前已有旨將該員革職押解進關交左宗棠查辦所部官兵弁諭令金順派員馳赴科境接統著保英等傳旨諭知該革員此次任意抗違獲咎已重俟金順派員前來即將所帶各隊妥爲交出毋得稍事遷延益加罪戾至此項官兵口糧著額勒和布車林多爾濟杜嘎爾保英桂祥遵奉前旨籌撥接濟金順迅卽揀派委員攜帶餉糧前往接帶將該官兵明白開導善爲拊循毋任再滋事端保英等俟官兵接統有人卽將吉爾洪額等拏解左宗棠軍營由該大

奏稿卷四十九

重

臣嚴行查辦將此由六百里各諭令知之欽此

軍機大臣字寄光緒二年八月二十六日奉

上諭金順奏官軍收復瑪納斯北城進攻南城并軍餉支絀情形榮全奏會克瑪納斯北城請敕桂祥暫緩赴任各摺片覽奏均悉逆匪久踞瑪納斯南北兩城此次經總兵孔才等會同副都統福珠哩等軍合力圍攻疊挫賊鋒該逆於六月二十九日夜閒潛開東門逃竄官軍追殺多名當將北城收復所有陣亡之卽補佐領委防禦長德卽補驍騎校委防禦祥來擬保都司銜儘先守備千總孔憲明守備銜千總欒萬德把總李發魁均著交部從優議卹以慰忠魂逆目余小虎率眾東竄何處仍著金順飭令各營探蹤截剿毋使滋蔓金順見令提督劉宏發等環築戰壘南城之賊已

奏稿卷四十九

五

如檻獸釜魚自難飛越著卽督飭各軍奮力攻拔迅殄逆氛榮全亦當飭令福珠哩等併力圍剿毋稍鬆勁左宗棠前奏擬調張曜等軍與劉錦棠會師進規吐魯番及南路各城見在情形若何著左宗棠妥籌具奏前因金順請撥餉銀當令戶部議奏嗣據該部奏部庫存款無多不能動撥請敕各省將應協該都統軍餉趕緊撥解已照所請行矣惟金順軍營目前餉需缺乏誠恐緩不濟急軍士枵腹荷戈情殊可憫著左宗棠於西征軍餉內先行酌量通融以資接濟新授科布多幫辦大臣桂祥著照榮全所請准其暫緩赴任幫同辦理該營事務將此由六百里各諭令知之欽此

搜剿竄賊布置後路進規南路摺

光緒二年九月十七日

奏爲官軍搜剿竄賊布置後路增調槍礮各隊馬步各營并採儲新糧籌備軍火分道進規南路恭摺馳陳仰祈

聖鑒事竊官軍會師克復各城詳細情形業於八月初一日馳陳旋據總理行營營務三品卿銜布政使銜西甯道法福靈阿巴圖魯劉錦棠稟報烏魯木齊迪化州各城克復後昌吉呼圖壁各城客土逆回及踞瑪納斯北城逆目余小虎均於六月底先後翻山鼠竄南路瑪納斯南城土回頭目黑寶財亦於七月初一日率其死黨向南竄逸餘逆猶踞城死守金順由昌吉親率各營赴瑪納斯督攻臣得金順函告兩城中閒相聯關廂盡破攜大礮轟攻可

奏稿卷四十九

重

期速克福珠哩書來亦云旦夕可望得手劉錦棠詞知各城敗竄之賊伏匿東南山谷閒覘官軍動靜遂下令分路搜山七月初六日提督譚和義陶生林等率所部取道七道灣赴東山提督黃萬鵬陝安鎮總兵余虎恩甯夏鎮總兵譚拔萃漢中鎮總兵譚上連取道大小鹽池墩向東南一帶節節搜捕至柴窩堡均略有斬獲訊據活賊供稱敗賊眷口輜重已悉數南徙壯丁均麇集柴窩堡西百二十里達坂城其白彥虎余小虎等敗殘股匪踞南山小東溝口喉各賊赴南山大西溝水西溝板房溝一帶收秋稼備乾糧俟官軍進攻達坂城卽乘機由南山古牧地阜康擾官軍後路劉錦棠一面咨商錫綸額爾慶額及東路各防營嚴密準備一面飭

余虎恩譚拔萃率所部馬步於初九日仍赴鹽池扼紮派馬隊復進柴窩堡防賊橫竄是夜劉錦棠帶馬步各營向小東溝進發初十日黎明瞥見山旁騎賊數十飛奔而西遂整隊急追行四十里抵小東溝口追斬四十餘騎生擒三賊訊據供稱賊眷先一日移進金口峽距小東溝約九十里劉錦棠率馬部緊追比抵金口峽惟見老幼婦女踉蹌奔逃而白余諸逆則已率黨遁逃托克遜安集延賊巢矣劉錦棠令各營收賊遺未獲秋糧十二日仍返烏垣因後路古城濟木薩以西三臺滋泥泉阜康等境時有零騎剽掠不辨其爲土回與游勇復派馬步各隊會同該處防營嚴密搜捕適聞瑪納斯南城土回仍堅踞如故官軍屢次猛攻均未得手且

奏稿卷四十九

奏

有傷亡金順函調數營助勦劉錦棠派甯夏鎮總兵譚拔萃道員羅長祐提督黃萬鵬總兵董福祥等率步隊六營馬隊五旂赴之八月十五日啟行尙未接其戰事稟報據探安集延酋帕夏已派賊騎五千合烏垣紅廟逸去之賊踞烏垣南二百餘里之達坂城卽噶遜營以拒官軍帕夏自踞托克遜築三城爲犄角與其悍黨守之白余兩逆入托克遜帕夏待之甚倨并勒其隨行賊眾薙髮易服傍三城以居察度南路賊勢守吐魯番者拒哈密官軍守達坂者拒烏垣官軍皆所以護托克遜堅巢也而達坂托克遜尤悍賊麇聚之區賊騎皆多至數千守禦甚固臣見咨廣東提督張曜率所部嵩武軍由哈密之西進至瞭臺入吐魯番界取道七克騰

木以向闕展飭提督徐占彪率所部蜀軍由巴古之間分隊搜山凡通吐魯番各徑皆徧行搜捕搜過縱火焚山杜其零星伏匿其馬步大隊則由木壘河節節搜捕而進木壘河地勢寬衍可容萬騎亦饒水草本通吐魯番大道雍正中岳鍾琪奏稱以重軍駐此可保必效者也七克騰木闕展賊均設卡官軍須循道攻拔以便屯集糧餉軍火由七克騰木西行二百餘里則吐魯番其劉錦棠由烏魯木齊南下之軍宜先固後路計古城以西濟木薩三臺滋泥泉阜康古牧地相距五百里金順所部防兵陸續調撥前進底營寥寥劉錦棠分駐馬步各營仍應相隨南下臣函商劉錦棠令各防營亦節節搜捕前進然後以金順續調錫綸馬步各營扼之

奏稿卷四十九

七

重後路之防劉錦棠馬步全軍僅二十五營既須分布後路又須畱守烏垣屯集糧餉軍火乃可進攻達坂城而進攻之軍行過小東溝口地方有橫路通托克遜又須分營扼截抄後之賊是兵力以分而愈單也張曜徐占彪兩軍能速拔吐魯番分趨西北以攻達坂之南庶可牽掣賊勢與劉錦棠收夾擊之效而吐魯番毗連托克遜防禦又不可少疏臣撥副將秦玉盛馬隊一營交徐占彪撥副將武朝聘馬隊一營交張曜并令礮隊遊擊陳文英帶開花礮及仿製短劈山開花礮助之已陸續成行矣臣念劉錦棠全軍分而見單飭參將侯名貴所管礮隊護開花後膛大礮兩尊車架開花後膛小礮四尊又飭解後膛七響槍三百杆勻配子藥赴烏

垣續調肅州鎮總兵章洪勝總兵方友升帶所部馬隊兩營總兵桂錫楨馬隊一營均歸劉錦棠節制調遣冀可稍助軍鋒凡所添調馬步加撥軍械均令次第前進其張曜徐占彪兩軍已整齊隊伍準備啟行臣以兩軍防所距吐魯番道路迂直險夷不一程途遠近攸分應各確計日期以爲啟行先後之準其師期則由劉錦棠酌定庶彼此進止合度不致先後參差協力并規乃期周妥見接劉錦棠稟報已派十一營赴瑪納斯之調其必俟北路一律肅清收隊回烏乃能下兵南路師期固未可由臣預定也至南路今歲旱蝗爲災收成歉薄官軍轉戰而前恐未能因糧於賊自不得不預爲廣籌採運以赴戎機見飭古城採新糧三萬石備運烏魯

奏稿卷四十九

五

木齊巴里坤採新糧七千石合歸包甯夏已採陳糧共二萬餘石備供徐占彪一軍及防營之用哈密無糧可採由肅州玉門敦煌採運新糧接濟約可二萬石備供張曜一軍之需徐占彪西行後以總兵徐萬福三營提督范銘一營填防張曜西行後以總兵劉鳳清豫軍八百人移駐七克騰木防護運道哈密之防已咨辦事大臣明春就近辦理明春肯顧大局所部兵勇自簡練後均精實可用與張曜極爲聯絡差爲慰幸所有布置情形謹據實馳陳伏乞

皇太后

皇上聖鑒訓示施行謹 奏

軍機大臣奉

旨另有旨欽此

奏稿卷四十九

堯

籌調客軍以資厚集摺

光緒二年九月十七日

奏爲官軍南下籌調客軍以資厚集而速戎機恭摺馳陳仰祈
聖鑒事竊臣與金順會師西征幸仗

皇威速戡北路應卽下兵南路規復舊疆南路自乾隆二十四年
平定後建城凡八曰喀什噶爾曰英吉沙爾曰葉爾羌曰和闐曰
阿克蘇曰烏什曰庫車曰喀喇沙爾世呼爲南八城而吐魯番別
爲一部不在八城之列以其地在天山之南爲南八城門戶官吏
兵民商賈赴回疆者必取道於此故志西域者附列之由吐魯番
而西歷喀喇沙爾庫車阿克蘇葉爾羌英吉沙爾以抵喀什噶爾
計四十九臺爲程四千一百餘里較之烏魯木齊至伊犁一千三

奏稿卷四十九

早

百餘里程途遠逾三倍茲擬以劉錦棠全軍自北而南張曜徐占
彪自東而西以規南路馬步合共四十餘營兵力不爲不厚然大
軍前進不特後路根本之地兵力宜增卽餉糧軍火均宜層疊設
局以便取用是監護不可無軍也前敵攻克城堡必須畱營駐守
以資撫輯是畱後不可無軍也師行日遠畱防之兵日增進戰之
兵日減勢有固然況轉戰數千里士卒之傷亡疾病又在所不免
額數有缺則士氣易墮歷觀軍興以來始稱精軍者末路或難復
振半由乎此又查南路地勢東南長而西北狹由吐魯番達坂城
西至阿克蘇尙可一路隨行無取分道并進一至阿克蘇則局勢
寬闊中路一千四百里抵葉爾羌又三百六十里抵英吉沙爾又

二百里抵喀什噶爾而阿克蘇之北切近伊犁葉爾羌之東南又遙與和闐相接均須分派大支扼其總要然後直擣中堅可以迅圖葦役查道光年間張格爾之變僅踞南路西四城故長齡楊遇春兵由烏魯木齊托克遜以進其時長清先扼阿克蘇憑河擊退逆眾扼守阿克蘇然後東四城無敢蠢動而長齡楊遇春乃得據無賊之地以擊賊餉豐運速卒成底定之功此次兵由烏魯木齊進局勢依然而吐魯番達坂城托克遜皆爲賊踞前途二千餘里皆爲賊守其致力難易固已判然而餉之絀兵之少又不如當時遠甚與其徘徊中道始請濟師正恐曠日需時事有不可測者臣因此躊躇再四實不得不預擬增兵伏查見駐包頭之統領卓勝

奏稿卷四十九

呈

全軍頭品頂帶記名提督鏗僧額巴圖魯金運昌前在甘肅甯靈一帶會勦所部淮北勇丁好勇尙氣甚耐勞苦金運昌整理數年愈就馴順近自黃甫川移紮包頭軍民相安頗得時譽臣自移駐肅州金運昌屢以在防無事堅請隨征臣時正以採運維艱難議增竈置之而金運昌西征之志益決所部各營官共相懇懇眾志相同聞其軍馬步五千有奇尙稱精實餉事每月三萬數千兩皖晉各任其半已有成說竊維北路解嚴山西包頭防軍本可議撤而金運昌全軍西上尤與遠防不如近勦之說相符金運昌前在金積堡與金順劉錦棠共事一方彼此尙稱孚洽今調其西征既期與劉錦棠同心又遵符金運昌本願合之兩美於時局實屬相

宜臣已函商山西撫臣鮑源深請其酌度資遣合無仰懇

天恩敕下該撫臣迅卽轉飭金運昌乘秋末冬初迅速開拔西來歸劉錦棠調遣庶劉錦棠中路之軍得此後勁可以壹意馳驅而將來克復各城有移駐之軍更番疊進前敵兵力常足免滯戎機遇有必須分支防勦之時亦可不虞竭蹶矣至金運昌西來距皖愈遠每月半餉似難再由皖省解濟應由鮑源深與臣分任其半俾該軍餉事得歸有著其軍糧另由臣津貼以昭公允應否如斯伏祈

皇太后

皇上聖鑒訓示施行謹 奏

奏稿卷四十九

聖

軍機大臣奉

旨另有旨欽此

籌畫俄人交涉事務片

光緒二年九月十七日

再新疆與俄境毗連疆場之事一彼一此見當邊務交涉議論方滋不獨措置乖方遇事動多妨礙卽語言交際偶爾失當亦足啟猜嫌爭執之萌臣奉

恩命督辦新疆軍務身在事中邊防利害之分百年安危之計既不敢不引爲己任當先權其輕重緩急審機宜以泛應合局勢以通籌庶期久遠相安詐虞可泯察看俄國情形雖權出一尊而事多分屬其來中國者暫雖馴謹有加似無尋衅生端之意然不慎之於始固有難策其終者見在邊方將軍都統各大臣除金順外臣多未曾謀面一切因應之宜有函牘所不能詳者亦有未可形

奏稿卷四十九

墨

諸函牘者相距過遠并有各處業已見之行事而臣猶無所聞者事關中外交涉誠慮議論紛歧無以示遠人而昭畫一合無仰懇天恩敕下將軍都統各大臣於俄人交涉事件除見行事宜本有定章應各照常辦理此外遇俄事交涉新疆者應咨臣定見主辦不必先與商議致遠人無所適從庶期徑路絕而軌轍可尋論說少而爭辯自息似亦省心省事之一道也應否如斯伏乞

聖鑒訓示施行謹 奏

軍機大臣奉

旨另有旨欽此

軍機大臣字寄光緒二年九月三十日奉

上諭左宗棠奏布置南路情形請調金運昌一軍出關及籌畫俄人交涉事務各摺片覽奏均悉據稱瑪納斯逆目余小虎黑寶財先後率黨南竄餘匪仍堅守南城劉錦棠見已派隊前往助剿著金順督飭各軍迅速攻拔將此股賊匪就地殲除毋任他竄南路賊酋帕夏等分踞達坂城及吐魯番城而以托克遜爲巢穴且欲俟官軍前進乘閒繞竄後路逆謀頗狡左宗棠擬令張曜一軍向闕展進發徐占彪一軍由木壘河入山節節搜剿劉錦棠一軍由烏魯木齊南下分道并進規取各城布置尙爲周密見在瑪納斯城諒不日可克卽著左宗棠飭令劉錦棠等約定師期併力進取南路迅掃逆氛古城以西時有零匪剽掠弁著檄令錫綸嚴密防剿毋稍疏懈左宗棠以各軍前進兵力尙恐不敷擬調金運昌一軍出關歸劉錦棠調遣仍由山西協濟半餉卽著照所請行本日已諭知善慶等遵照辦理矣新疆與俄境毗連時有交涉事件輕重緩急自宜審慎以圖方免後患嗣後遇有與俄人交涉之事著榮全先行知照左宗棠酌度情形由該大臣主持辦理將此由六百里各諭令知之欽此

停撤歸化包頭甯夏採運片

光緒二年九月十七日

再歸化包頭甯夏所設採運三局轉運巴里坤以供軍食肅州克復後經臣奏請試辦雖勞費萬狀而較之關內採運糧價腳價節省甚多深得其益上年古城巴里坤辦理屯墾商農雲集仰蒙福庇暘雨應時幸獲中稔又官兵連下數城收穫賊種秋糧亦多暫敷前敵軍食應飭歸化包頭甯夏三局停止新採速將已採未解各色糧石埽數運解巴里坤卽行撤局所省採運經費卽可撥爲古城局及軍前採買之需庶期軍民均資利益謹附片具陳伏乞

聖鑒訓示謹 奏

奏稿卷四十九

壘

軍機大臣奉

旨知道了欽此

威儀軍裁併情形片

光緒二年九月十七日

再已故哈密辦事大臣文麟原帶威儀一軍應行汰併情形臣已於七月十八日詳細陳明嗣准明春咨覆擬將威儀軍併爲兩營屯員屯長各名目一律裁革請酌借銀三四萬兩以便資遣臣查威儀一軍前由明春張曜點驗實存員弁勇役共二千三百零一名除此次併成兩營人數應畱一千名及開除安業屯丁四百四十七名不計外共應遣勇六百二十五名遣在營員弁一百四十八員名遣屯官十一員名遣屯長藍旂海查字識差官親兵雜項人等七十一名按照內地遣撤甘軍分別新老及籍貫遠近酌給川資章程共祇需銀一萬九千二百餘兩其原帶威儀馬步統領

奏稿卷四十九

吳

營哨各官有在營出力應酌量加給者亦不過需銀二三千兩明春之請酌借三四萬兩原屬從寬約計之數而此次點驗汰遣均尙核實銷除從前積欠節省日後虛糜爲數甚多於餉事甚有裨益臣於軍餉內勉挪湘平銀三萬兩派員於八月十六日解赴明春行營以爲資遣及從新整頓之費此項將來應歸入臣軍借支外營餉銀內報銷至威儀軍歸併之後每年實需的餉若干應俟明春酌定自行陳請

敕部指撥定限解濟俾收餉節兵精實效謹附片具陳伏乞

聖鑒謹 奏

軍機大臣奉

旨知道了欽此

奏稿卷四十九

畢

軍機大臣字寄光緒二年九月二十三日奉

上諭金順奏酌量近日情形布置防軍一摺前據左宗棠奏大軍
悉銳南趨北路空虛擬令錫綸酌帶隊伍專防北路已照所請辦
理見在瑪納斯南城業經官軍圍逼金順以北路尚可無虞惟南
山一帶道路分歧儻賊眾被剿窮蹙鋌而走險則奇古濟以西防
軍尙形單弱擬添撥隊伍交錫綸調遣卽以防北之師轉防東路
所奏不爲無見卽著金順與左宗棠會商布置飭令該領隊實力
防剿毋任賊匪紛竄并著激勵將士迅速進攻務將瑪納斯南城
剋期克復以圖進取榮全亦當飭令福珠哩等合力圍剿勿稍鬆
勁至北路一帶見在雖無竄匪仍當備豫不虞著榮全額勒和布
車林多爾濟杜嘎爾保英卽儘見有兵力加意巡防以資捍衛將
此由五百里各諭令知之欽此

軍機大臣字寄光緒二年十月三十日奉

上諭明春奏嵩武各營開拔西進籌辦哈密軍務情形一摺張曜見統所部嵩武軍西進哈密地方緊要明春當督飭雷防各營扼要填紮務臻周密隨時偵探防範杜賊竄擾毋得稍涉大意瑪納斯南城見在攻剿情形何若已否攻拔久未據左宗棠金順奏到殊深慮系賊匪負隅抗拒亟宜激勵將士剋期聚殲以次肅清南路不得曠日遲久致一隅之地牽掣兵力著左宗棠金順督飭各軍迅將瑪納斯南城攻克盡殲醜類毋令賊眾竄逸致成滋蔓前有旨令榮全來京當差將金順補授伊犁將軍并命英翰署理烏魯木齊都統見當攻剿喫緊之際金順能否接辦伊犁將軍事務

奏稿卷四十九

晃

著該將軍酌度機宜以定進止榮全當懷遵前旨俟金順接辦後再行來京英翰赴任時道經肅州左宗棠當將烏魯木齊近日情形及應如何布置防守之處悉心會商妥籌辦理將此由六百里各諭令知之欽此

查明襲攻瑪納斯城失利確情摺

光緒二年十一月初一日會銜

奏爲查明官軍襲攻瑪納斯城輕進失利確情并分別核議以明軍律恭摺具陳仰祈

聖鑒事竊額爾慶額馮桂增等襲攻瑪納斯城輕進失利臣飭總理行營營務處道員劉錦棠查明具覆再會金順據實陳明業於本年四月十三日附片具奏茲據劉錦棠查覆本年正月閒額爾慶額馮桂增等與徐學功議攻瑪納斯城原約正月二十九日會師進攻并未明定時刻嗣額爾慶額馮桂增兩營於先夕寅刻麾馬隊前進徐學功先期未接准函牘無從懸揣迨二十九日徐學功率所部前進行近瑪納斯城見官軍已敗出城外救援不及收

奏稿卷四十九

辛

隊回防馮桂增因護救額爾慶額身帶重傷數處不能行動旋被賊擁入城中極口罵賊致被戕害兩營陣亡員弁兵勇人數查與額爾慶額及都司馮以和等前報相符此次致挫之由經劉錦棠逐加訪察參以輿論實因額爾慶額等輕進貪功所致稟請核奏前來臣維額爾慶額馮桂增襲攻瑪納斯城事前未及咨商金順詳爲布置貪功輕進以致僨事既經查明確實相應請

旨將涼州副都統額爾慶額交部議處以爲貪功輕進者戒總兵馮桂增此次戰敗被戕實由額爾慶額愆憑所致該故員平日勇銳無前疊著戰績此次業已登城因賊已警覺嚇死鬪眾寡不敵致敗當額爾慶額受傷時馮桂增奮力救護以致疊受重傷卒

被擁去罵賊捐軀既於大節無虧而於額爾慶額尤稱無負可否
賜卹之處出自

天恩徐學功救護不力業由金順摘去頂翎嗣帶隊隨同金順圍
攻瑪納斯城尙屬出力應請免其再議所有查明額爾慶額等襲
攻瑪納斯城輕進失利并分別核議緣由謹會同幫辦新疆軍務
烏魯木齊都統臣金順恭摺具陳伏乞

皇太后

皇上聖鑒訓示謹 奏

光緒二年十一月二十七日內閣奉

上諭左宗棠奏查明官軍襲攻瑪納斯城輕進失利情形一摺本

奏稿卷四十九

三

年正月閒涼州副都統額爾慶額總兵馮桂增與統領徐學功議
攻瑪納斯城原約二十九日會師進攻并未明定時刻額爾慶額
馮桂增兩營先進失利迨徐學功率所部前進官軍已敗出城外
救援不及額爾慶額并未咨商金順詳籌布置貪功輕進咎有應
得著交部議處馮桂增身受重傷罵賊捐軀著交部議卹餘著照
所議辦理欽此

提督李良穆請在會甯縣城捐建忠義祠片

光緒二十一年十一月初一日會銜

再據分統楚軍中路記名提督西林巴圖魯李良穆呈請在於會甯縣城購地修建忠義祠祀楚軍中路歷次陣亡傷故文武員弁及會甯縣屬隨同官軍擊賊陣亡官紳鄉團人等分別正祀祀祀歲時致祭以慰忠魂并捐置民田二百畝充香火祭祀之費當經札行會甯縣查明妥議詳由甘肅軍需局核明詳辦去後茲據甘肅軍需局司道等詳稱甘肅軍興以來各屬勦賊陣亡傷故文武員弁兵勇以及隨同官軍擊賊被害官紳士庶鄉團人等有於死事地方捐建祠宇者均經由局核明例案詳請奏辦奉

旨允准各在案今分統楚軍中路記名提督李良穆等在於會甯

奏稿卷四十九

五

縣城內購地修建忠義祠請將疊次陣亡傷故員弁勇丁及會甯官紳鄉團人等入祠致祭核與鞏秦甯夏狄道安定各屬辦過成案相符所置民田三百畝作爲祭產除完納正額丁糧外收獲租糧備辦祭品可垂久遠會議詳請援照成案奏懇

天恩將楚軍中路疊次陣亡傷故文武員弁以及會甯縣屬隨同官軍擊賊陣亡官紳鄉團人等分別正祀祀祀一併入祠隨時由地方官致祭以妥忠魂所有入祠之官弁勇丁士庶紳團應由該提督督同會甯縣造具各該故弁勇團人等銜姓花名清冊另案詳請分送部科立案以垂永久等情前來臣查軍營陣亡官弁原准祀忠義祠今該提督捐資購地在於會甯縣城建修忠義祠

宇以祀楚軍中路陣亡傷故文武員弁及會甯縣屬隨同官軍擊
賊陣亡官紳鄉團人等一併入祠致祭核與成案相符應懇
天恩俯准

敕部立案以垂永久除飭該提督督同會甯縣造具各該故弁勇
團人等銜姓花名清冊咨送部科外謹會同幫辦陝甘軍務太僕
寺卿臣劉典合詞附片陳明伏乞

聖鑒訓示謹 奏

軍機大臣奉

旨著照所請該部知道欽此

軍機大臣字寄光緒二年十一月初十日奉

上諭左宗棠金順奏攻克瑪納斯南城大概情形并布置防守各摺片瑪納斯賊匪負隅已久見經金順親率所部會同湘軍奮力進攻於九月二十一日將南城攻克擒斬逆首何祿馬有財等餘黨搜殺無遺金順見飭禮字等營及孔才所部駐紮瑪納斯城并派英字四營暫駐呼圖壁城該將軍擬回紮昌吉縣城著卽督飭各軍認真防守毋稍懈弛附近民眾并著飭令該地方官妥爲撫綏俾得各安生業見在北路大致既經肅清自應規復南路各城陝回白彥虎素稱狡猾與帕夏同踞南城合謀困鬪亦在意中近日南路賊情若何劉錦棠張曜等軍會否剋期進發著左宗棠督飭諸軍乘此聲威迅速規取吐魯番等城以收埽穴擒渠之效金順另片奏請飭催山西等省餉銀已諭令各該省迅解矣將此由六百里各諭令知之欽此

會師攻克瑪納斯南城詳細情形請 獎卹出力陣亡各員弁摺
光緒二十一年十一月十一日
會烏魯木齊都統金順銜

奏爲詳陳官軍會師攻克瑪納斯南城戰狀弁懇

恩獎卹以勵軍心恭摺仰祈

聖鑒事竊官軍會師攻克瑪納斯南城大概情形業經臣金順具
摺馳報嗣臣宗棠接准臣金順咨會七月十五日率所部馬步各
隊馳抵瑪納斯南城飭統領禮字營提督劉宏發紮南城正東親
兵營總兵張大發紮城東北統領英字營副將方春發紮城東南
與統領振武營副將徐學功統帶馬隊廣州副都統福珠哩聯絡
一氣城西則令健銳營官和振興駐紮臣金順率親軍步隊營

奏稿卷四十九

五

官參將余致和與統帶定西營提督孔才分紮城北令吉江馬隊
翼長巴里坤領隊大臣沙克都林札布爲遊擊之師分布既定臣
金順於二十日親率總兵鄧增都司張玉林以後膛開花大礮轟
城東北角樓橫塌丈餘劉宏發方春發趁勢移卡偪紮城根臣金
順與烏魯木齊領隊錫綸麾隊於缺口直上賊乘高死抗礮石如
雨總兵李大洪熊佑林參將陸輝先冒槍石搶登均被礮子中傷
登時殞命方春發張玉林憤急猛撲均帶槍傷張大發余致和率
隊繼進更番仰攻緣城頭褊窄難於施展未能得手計是役槍斃
礮斃之賊約四百餘名官軍陣亡亦一百餘名二十六日統帶軍
勝營提督馬玉崐遵臣金順檄調率隊抵瑪紮營城北八月初二

日馬玉峴率隊潛登西北角樓斬守賊十餘人因羣賊譁覺拌死
抗拒旋即收隊初三夜四鼓臣金順親督馬玉峴麾軍攀堞而上
奪西北角樓賊負隅死鬪馬玉峴麾壯士連撲數次斃賊甚多適
樓中賊儲火藥爲礮火引著棖柵倒塌勇丁被壓傷者十餘名馬
玉峴亦被石傷副將銜遊擊胡耀羣冒火衝殺被槍子中傷殞命
余致和麾隊直前面帶石傷猶裹創血戰劉宏發趕於西北角缺
口搶築三卡高出城頭卯刻忽南風大作煙焰蔽空遂卽收隊計
是日斃賊約三百餘名官軍傷亡亦二百餘名嗣是城賊守備愈
嚴晚間以繩繫柴草灌油然燒光如白晝各面缺口均以蘆蓆裹
土填砌沿城屋頂俱築堞口排設油槍爲死守計孔才方春發復

奏稿卷四十九

美

分軍於關廂內添築堅卡十一日詎知賊將出竄飭馬步各營嚴
備劉宏發與營官劉占魁李大全率隊越卡截擊殺賊數十名劉
宏發左手中指被飛子擊斷馬玉峴督隊繼進搶奪城樓斃賊多
名賊復踞短垣密排叉子槍伺官軍上城連環施放相持既久官
軍傷亡者七十餘名十四日飭鄧增三等侍衛雙全以後膛開花
大礮轟城西南兩面十五日密飭馬玉峴仍於日夕率隊向西北
角缺口搶登劉宏發率隊繼之孔才方春發兩軍由北門礮樓分
東西攻擊和振興張長安攻西門礮樓張大發張志德余致和攻
東北角樓徐學功劉春元攻東南角樓屆時臣金順憑高調度飭
營務處委員知縣長庚員外郎周先檀佐領恩澤光祿寺署正俞

應鈞分面督攻各軍或肉薄而登或緣梯猱上斃悍賊多名西城門樓匿賊蜂出官軍猛進賊既敗復又回撲如是者十數次定西營營官總兵張大發杜生萬緣城直上均被槍傷斃命總兵銜副將司世道把總邵芝遊擊楊占魁甫上城頭或中槍傷或被矛刺皆逾時而殞計是役斃賊約七百餘名官軍陣亡二百餘名十七日總統湘軍西甯道劉錦棠派湘軍營務處道員羅長祐統領湘左軍甯夏鎮總兵譚拔萃統領旌善馬隊提督黃萬鵬統領董字營總兵董福祥各率所部馳抵瑪納斯助剿當令紮營城南及西南隅高築礮臺弁與臣金順所部分段修掘長濠二十六日工竣適署伊犁將軍臣榮全抵瑪納斯會剿二十九夜飭方春發由關

奏稿卷四十九

五

廂內掘成地道九月初一日午刻舉發轟塌城身二丈餘方春發麾隊從缺口入賊憑城內短垣密施槍礮牆上磚石紛飛未能搶進湘軍譚拔萃等同時由南面進攻亦因城頭賊眾密布無隙可乘開放大礮數十子飛入城中旋即收隊訊據難民供稱賊中僞元帥韓刑膿已被官軍礮斃初二日早臣金順所部與湘軍仍由缺口進攻賊預豎木柵加裹溼氈以擋槍礮旌善旂旂官都司崔偉督隊猛攻手刃數賊臂中矢傷拔矢疾戰賊拼死抗拒遂仍收隊回營計是役官軍陣亡勇丁十九名受傷弁勇九十五名十二夜方春發復於關廂內掘成地道湘軍營務處羅長祐及譚拔萃董福祥等仍由缺口進攻臣金順與榮全親督方春發馬玉崐各

軍由北城樓進攻天色向明地雷舉發轟塌城身兩丈餘各壯士奮勇搶登斃賊無算忽南風大作煙塵障天咫尺莫辨賊乘勢猛撲提督楊必耀持刀督戰被槍子中傷殞命孔才舉旂繼進亦被槍傷計是役官軍傷亡百九十餘名十六十七等日賊乘夜越濠經官軍槍礮擊走旋又復來湘軍營官提督湯秀齋停止更鼓飭守濠弁丁靜伏濠邊并備繩索鐵鉤密排槍礮待之夜深賊果復至槍礮排擊斃賊頗多有三賊墮入濠溝官軍用繩繫鉤引之而上據供均係西河營賊黨原籍或西甯或河州因城中糧盡無路可竄逆首韓刑膿既斃海晏接充頭目遣令偵探虛實以便乘間竄走訊畢斬之十九夜三鼓海晏赴徐學功營乞撫稟臣金順示

奏稿卷四十九

奏

諭呈繳馬械細獻各逆首然後造餘眾名冊聽候點驗分別辦理海晏願卽遵辦二十一日平明賊眾二三千人突出西門老幼婦女居中悍黨持槍械排隊夾護臣金順知其有詐飭所部各營列隊城北湘軍列隊城南皆嚴陣以待另撥馬隊分布隘口以防竄逸一面令徐學功向前開導諭令拋棄槍械仍准免死偽元帥何祿忽開放洋礮嚇眾撲濠徐學功立麾部卒直前擒何祿斬於陣前各賊目及悍黨棄眷猛撲譚拔萃董福祥等督隊奮擊臣金順所部由北面截殺而來賊眾左衝右突斃者大半偽元帥黑峻見勢不支以洋槍自斃其逸出之賊經臣金順所部與湘軍馬隊及榮全額爾慶額所派各隊分途追斬無遺城中匿賊經步隊一律

搜斬老幼婦女悉釋勿誅湘軍營官湯秀齋生擒偽帥馬有才與
臣金順所部生擒偽帥海晏王奇玉馬受等概由臣金順會同榮
全提訊極刑處死其韓刑臆黑峻等尸於克城後與肇亂之偽清
眞王妥得磷尸骸一併搜掘戮以示眾此二十一日官軍會師克
復瑪納斯城擒斬首逆殲除悍黨之實在情形也臣宗棠續接總
理行營營務處西甯道劉錦棠稟報湘軍戰狀核與臣金順咨報
各情相符竊維新疆北路烏垣迪化等城克復後陝回白逆等與
昌吉呼圖壁瑪納斯北城踞逆先後向南竄逸維瑪納斯南城賊
黨恃其城小而堅負隅死守官軍會師圍攻計兩月餘傷亡精銳
甚多幸賴

奏稿卷四十九

堯

皇上威福將士一心俾積年悍賊悉數殲除在事諸軍功績卓著
合無仰懇

天恩先加甄別以昭激勸

賞穿黃馬褂記名提督業普鏗額巴圖魯劉宏發克復烏魯木齊
各城案內已保頭品頂帶三代正一品封典頭品頂帶記名提督
博奇巴圖魯馬玉崑克復烏魯木齊各城案內已請
賞穿黃馬褂此次均懇

恩施破格優獎記名副都統巴里坤領隊大臣庫楚特依巴圖魯
沙克都林札布克復烏魯木齊各城案內已保頭品頂帶三代正
一品封典此次應請交部從優議敘記名提督矯勇巴圖魯孔才

請

賞給頭品頂帶儘先副將霍隆武巴圖魯方春發克復烏魯木齊各城案內已保總兵請

賞穿黃馬褂此次請以提督記名
簡放并

賞給頭品頂帶三等侍衛雙全請

賞二等侍衛并

賞給勇號都統銜記名副都統博清阿巴圖魯依精阿請

賞穿黃馬褂候選員外郎周先檀克復烏魯木齊各城案內已保知府花翎此次請

奏稿卷四十九

李

賞加道銜記名總兵克勇巴圖魯劉占魁記名總兵武勇巴圖魯龍得勝記名總兵勉勇巴圖魯李懷興以上三員克復烏魯木齊各城案內已保提督清字勇號此次均請

賞加頭品頂帶劉占魁并

賞穿黃馬褂儘先副將剛安巴圖魯徐得彪克復烏魯木齊各城案內已保總兵提督銜此次請以提督記名

簡放并

賞穿黃馬褂藍翎荆州駐防黃旂蒙古佐領恩澤克復烏魯木齊各城案內已保協領換戴花翎此次請以副都統記名

簡放先換頂帶記名總兵鄧增克復烏魯木齊各城案內已保提

督

賞穿黃馬褂此次請

賞給三代正一品封典儘先副將資勇巴圖魯劉萬發克復烏魯木齊各城案內已保總兵提督銜清字勇號此次請以提督記名簡放并

賞加頭品頂帶記名總兵羅永興克復烏魯木齊各城案內已保提督此次請

賞加頭品頂帶副將銜江西補用參將剛勇巴圖魯余致和克復烏魯木齊各城案內已保副將總兵銜清字勇號此次請以總兵記名

奏稿卷四十九

空

簡放并

賞穿黃馬褂知州銜山西補用知縣長庚克復烏魯木齊各城案內已保直隸州知府銜此次請免補直隸州以知府仍畱原省歸候補班遇缺儘先前補用并

賞加鹽運使銜副將銜參將彪勇巴圖魯徐學功請免補副將參將以總兵記名

簡放并

賞加提督銜

賞換清字勇號儘先副將固勇巴圖魯孫復勝請免補副將以總兵記名

簡放弁

賞加提督銜

賞換清字勇號副將銜儘先遊擊經勇巴圖魯黃占彪克復烏魯木齊各城案內已保參將兩代二品封典此次請免補參將以副將儘先卽補弁

賞加總兵銜

賞換清字勇號副將銜儘先參將安勇巴圖魯張志德儘先參將鋒勇巴圖魯張富貴以上二員均請免補參將以副將儘先卽補弁

賞加總兵銜

奏稿卷四十九

三

賞換清字勇號副將銜儘先遊擊靖勇巴圖魯李得林副將銜儘先遊擊麗勇巴圖魯萬長發以上二員均請免補遊擊以參將儘先卽補弁

賞換清字勇號儘先參將克勇巴圖魯張長安請免補參將以副

將儘先卽補弁

賞加總兵銜

賞換清字勇號副將銜儘先參將和振興請免補參將以副將儘先卽補湖北撫標補用遊擊李大全請免補遊擊以參將仍畱原標儘先卽補弁

賞加副將銜

賞給勇號光祿寺候補署正俞應鈞請以知州歸部不論雙單月
遇缺儘先前卽選弁

賞戴花翎湖廣督標補用遊擊卓勇巴圖魯李代興請免補遊擊
以參將仍畱原標儘先卽補弁

賞加副將銜

賞換清字勇號湖北撫標補用都司匡勇巴圖魯李復盛請免補
都司以遊擊仍歸原標儘先卽補弁

賞加副將銜

賞換清字勇號儘先都司楊金發請免補都司以遊擊儘先卽補
弁

奏稿卷四十九

查

賞加副將銜

賞給勇號藍翎儘先都司柴洪山請免補都司以遊擊儘先卽補
弁

賞加副將銜

賞給勇號總管銜儘先佐領驍騎校岱通阿請

賞給勇號儘先防禦驍騎校委參領春凌請免補防校以佐領儘
先卽補軍功范忠克復烏魯木齊各城案內已保守備花翎都司

銜此次請免補守備以都司儘先卽補弁

賞加遊擊銜

賞給勇號五品花翎委防禦哈勒他爾請

賞給勇號儘先守備驥勇巴圖魯張玉林克復烏魯木齊各城案內已保都司遊擊銜此次請免補都司以遊擊儘先卽補并

賞加副將銜

賞換清字勇號五品花翎千總邊生有請免補千總以守備儘先卽補并

賞加三品頂帶

賞給勇號五品藍翎儘先把總孔榮仙生祿李伏尹紹祿藍翎儘先把總王振海以上五員均請免補千把以守備儘先卽補并
賞換花翎藍翎千總崔正邦魯明珠以上二員均請免補千總以守備儘先卽補并

奏稿卷四十九

畜

賞加都司銜

賞給勇號五品軍功秦漢倉請以守備儘先卽補并

賞戴花翎把總何長春請免補千把以守備儘先卽補并

賞戴花翎

賞加都司銜都統銜記名副都統蘇赫克巴圖魯薩英阿請交部從優議敘提督銜甘肅補用總兵精勇巴圖魯桂錫楨請

賞換清字勇號

賞穿黃馬褂頭品頂帶記名提督甘肅甯夏鎮總兵雲騎尉世職嘎什普祥巴圖魯譚拔萃請

旨照一等軍功例從優議敘花翎按察使銜畱陝遇缺儘先題奏

道羅長祐請交部從優議敘記名總兵阿爾杭阿巴圖魯董福祥
記名總兵倭欣巴圖魯張俊均請

賞加提督銜

賞穿黃馬褂記名提督伯奇巴圖魯黃萬鵬頭品頂帶遇缺題奏
提督哲爾精阿巴圖魯張春發頭品頂帶陝甘遇缺題奏提督阿
克丹巴圖魯湯秀齋均請交部從優議敘花翎雷甘補用都司崔
偉畢大才禹中海馬正國禹益長等五員均請免補遊擊以參將
儘先補用崔偉并

賞給勇號花翎補用守備李金良請免補守備都司以遊擊儘先
補用記名提督威勇巴圖魯湯仁和請

奏稿卷四十九

壹

賞換清字勇號此外出力員弁勇丁容卽查明彙案保奏陣亡擬
保提督記名總兵西拉縹阿巴圖魯李大洪總兵精勇巴圖魯張
大發等二員此次均冒險登城血戰捐軀死事尤爲慘烈懇請
敕部各照提督陣亡例從優議卹李大洪并懇

加恩予諡擬保副將銜遊擊胡耀羣擬保都司儘先守備健勇巴
圖魯杜生萬擬保守備儘先把總邵芝總兵銜湖廣督標補用副
將振勇巴圖魯司世道總兵銜副將烈勇巴圖魯熊佑林副將銜
儘先遊擊楊占魁副將銜參將陸輝先張清福參將銜遊擊廖全
勝都司宋全忠陳如恆孔萬生何元新張有德何起發守備羅金
山池宗發邢萬一丁占魁肅得勝楊達勝陳得勝鍾自運肅保平

李玉卿張永發燕玉龍孫榮貴汪洪昌焦明清王廷選范國勝沈
松林何紹明董長明詹永祥劉定邦胡元發張守榮千總岳凌雲
吳大喜余廣德宋懷成王有富劉得功全樂天許能行王貴生侯
得功張炳榮趙金山王萬銀朱保忠王光祿陳廣泰張青蓮裴雲
友把總張金標高文彬李福馬升王才周國安胡得勝賴明山嚴
得勝李保臣余化明胡應福方祥開周保青張福王經綸趙志友
外委袁吉清馬保山趙鳳魁高占魁張大發楊來貴楊正春經制
李有遇缺題奏提督甘肅甯夏鎮屬靈武營參將穆精阿巴圖魯
楊必耀記名提督霍伽春巴圖魯鄧勝友副將胡俊升二品頂帶
參將馮金山遊擊聶秀春都司苗生有都司銜守備黎積善守備

奏稿卷四十九

奏

陳福順千總楊添福周祥發連金城文義和把總成萃庭張得榮
王得能范得勝馬迎朝丁洪發歐陽清鄭儒選周蘭桂軍功嚴春
華李榮貴謝曉全胡得雲易瑞祺曹萬楚蘇有才李全福鍾光德
龐春和劉向成從九職銜王道政等一百十五員名均係血戰捐
軀深堪憫惻應請

旨敕部各照官階從優議卹餘俟查明彙奏所有官軍會師攻克
瑪納斯南城戰狀詳細情形謹合詞恭摺具陳伏乞

皇太后

皇上聖鑒訓示施行謹 奏

光緒二年十一月二十五日內閣奉

上諭前據左宗棠金順奏官軍攻克瑪納斯南城大概情形茲據奏詳陳戰狀請將出力陣亡各員弁分別獎卹一摺官軍於本年六月間攻克瑪納斯北城後南城賊黨負隅抗拒將軍金順親率所部兵勇進剿七月二十八月初二等日疊次猛攻開放槍礮轟坍城垛殲擒賊匪多名八月十七日西甯道劉錦棠所派各營馳抵瑪納斯會剿與金順一軍週掘長濠轟發地道連日會師進攻斃賊無算九月二十一日賊眾二三千人突出西門詐稱乞撫意圖出竄金順飭各軍嚴陣以待逆首何碌嗾眾撲濠經官軍立斃於陣僞元帥黑峻等一律殄除當將瑪納斯南城收復逸出之賊經金順所部與湘軍馬隊及榮全等所派各隊追斬無遺剿辦甚爲得手左宗棠運籌決勝調度有方深堪嘉尚金順督率各軍奮勇剿賊懋著勤勞著加恩賞戴雙眼花翎并賞給雲騎尉世職以示優異劉宏發馬玉崐均著賞給雲騎尉世職其餘出力陣亡各員均著照所請獎卹欽此

請裁汰北路征軍摺

光緒二年十一月十一日

奏爲新疆北路肅清餉源日涸擬請減汰北路征軍期收餉節兵精實效恭摺馳陳仰祈

聖鑒事竊維瑪納斯南城既克北路一律肅清官軍方圖下兵南路埽盪而前北路所宜籌者防南路所宜籌者剿大致判然雖兩路同是辦賊不宜有畸輕畸重之分而兵數應增應減要有自辨主剿之軍步步向前步步顧後克復一城一堡卽宜分兵駐守要隘衝途均須設局防護以通運道而速文報程途愈進愈遠兵力愈分愈單其不得不預籌增調以爲之備固也防軍但就地勢通籌城堡要隘以夷險衝僻定兵數多少別籌遊擊之師備緩急策

奏稿卷四十九

奏

應防守之兵步宜多而騎可少策應之兵步可少而騎宜多地有定形兵數固可得而定也總計南路征軍劉錦棠由烏魯木齊南進馬步約二十九營張曜自哈密西進馬步共十五營有奇爲一支徐占彪自巴古之閒西南進馬步五營有奇爲一支統計不過四十餘營臣慮將來屢分見單不得已始有請調金運昌馬步全軍之奏然以人馬實數計之所增亦不過十營而已北路金順所部二十餘營及接統景廉所統十九營號稱四十餘營按照步隊每營五百人馬隊每營二百五十騎核算人馬之數較南路征軍約略相等除伊犁尙未收回不計以驛站程途計之則北路較南路縮二千里有奇兵之可議減汰一也北路景廉所部先本三十

餘營金順接統挑存十九營合之金順舊部及新增馬步二十餘營爲四十餘營不爲不多矣月餉多至二十二萬兩較之劉錦棠見統各軍餉銀多至十二萬兩有奇而勢力未能一律如非分別汰減任其虛糜弱者與壯者勇者與怯者同一缺餉何以鼓舞羣情收戰勝攻取之效餉項以積欠而愈薄兵氣以缺餉而愈疲將何以戰何以守且恐因循日久患有不可勝言者兵之急宜減汰二也金順所部四十餘營步隊照五百人一營馬隊照二百五十騎核算見存實數缺額太多難以覆按若就見存實數裁汰疲弱歸併成營勇丁得有的餉自期翕服其娶有妻室願畱口外者准其酌借牛力籽種撥荒絕無主地畝令其承墾秋後以糧抵還仿

奏稿卷四十九

完

古徙民實邊之意而無其勞費近時古城巴里坤屯墾辦法多用汰遣客軍適值歲稔價平屯丁獲利比薪糧倍蓰人情樂趨卽其明驗其空缺之營哨各官及汰遣之勇丁願畱口外者亦准一律安插非徒節餉亦可實邊此時行之事尤易舉兵之應及時減汰者三也金順所部營數計四十餘營每年應得正餉二百六十餘萬兩合計今歲所得實餉不過五十餘萬兩欠數約二百萬兩上下其賴以敷衍尙未決裂者該軍軍糧自本年三月以後至今由臣古城巴里坤哈密各局及俄糧項下撥給者五百六十餘萬斤腳價牽算共實銀約六十餘萬兩而前此供支該軍軍勝英字等營糧料尙不與焉金順赴瑪納斯後臣聞綏來屬地西湖一帶商

人販運伊犁淨糧價極平減屬其趕緊定買金順以無款爲言臣
比飭西征糧臺勉湊銀八萬兩給之計臣軍墊解該軍之數已過
該軍所得協餉之數而軍心缺望仍所不免若協款仍前延不解
到臣軍餉源已涸無從分潤該軍後此情形實有不堪設想者臣
與金順同辦一事休戚共之雖該軍自有專餉亦難恣置應懇
天恩敕部迅速從長計議金順一軍月餉旣無可改撥應否於欠
解各省酌提鉅款限期解到以濟急需并懇

敕發部款四十萬兩交金順祇領作爲裁遣之費仍歸該營大餉
扣回責成金順將所部分別裁汰歸併作爲馬步二十營以後部
撥的餉卽照二十營核算并從寬給採糧開屯駝馬乾銀兩庶
事歸核實可固軍心而各省應協該軍之款以後減半實解事體
從容當可不至仍前延誤矣謹將金順全軍宜減汰歸併情形據
實陳明伏乞

皇太后

皇上聖鑒訓示施行謹 奏

軍機大臣字寄光緒二年十一月二十五日奉

上諭左宗棠奏金順一軍協餉無著請酌提欠款并敕撥部款一
摺著戶部發銀二十萬兩解交金順祇領并著該部於欠解金順
軍餉各省酌提鉅款限期解往以濟急需原摺著鈔給閱看將此
諭令知之欽此

金順懇

恩優敘并行查錫綸所帶定營餉項事宜片

光緒二年十一月十日

再瑪納斯南城之克金順所部苦戰日久傷亡甚多茲准詳陳戰狀咨請具奏并分別擬保請卹前來臣謹照咨核酌會銜具奏請旨金順自會師進剿連復數城因單銜陳奏未敢自敘勞績而勛勤曩著已在

聖明洞鑒之中見值北路一律肅清可否邀

恩優敘出自

聖裁至原咨擬保各員如涼州副都統額爾慶額此次在事出力本應列保惟前次襲攻瑪納斯失利甫經查明具奏請

奏稿卷四十九

三

旨交部議處應俟欽奉

諭旨接准部文再行敘奏又烏魯木齊領隊大臣錫綸臣奏委督帶馬隊數月之久於接事後如何整理收發餉項及前敵一切事宜從無隻字呈覆近經金順奏派該員回防東路始據該員咨呈帶定營馬隊百餘騎回抵古城查與金順原奏不符旋據暫帶定營馮以和等稟稱錫綸於收到餉項後并未分給該兩營情詞迫切見正行查一面札調該營入關分別汰遣應俟查明此案虛實再行酌核辦理謹一併附陳伏乞

聖鑒訓示謹 奏

軍機大臣奉

旨另有旨欽此

奏稿卷四十九

三

請 敕會國荃速赴晉撫新任片

光緒二十一年十一月十一日

再前讀邸鈔知河道總督會國荃調補山西巡撫深爲幸慰查陝甘北路均與山西迤北一帶相通關外北路肅清正可聯絡一氣從長計議爲省兵節餉之謀甘肅茶務壞於晉商行銷無引私茶由北路浸灌西路見值北路肅清正宜及時籌辦爲化私歸官之計會國荃與臣素相契洽勇於任事本所深知合無仰懇

天恩敕催速赴晉撫新任冀於時務有裨謹據實附片陳明伏乞

聖鑒施行謹 奏

軍機大臣字寄光緒二十一年十一月二十五日奉

上諭會國荃前因患病賞假兩箇月調理山西地方緊要該撫病

奏稿卷四十九

三

體稍愈著卽馳赴新任以重職守毋稍耽延將此諭令知之欽此

進規南路師期片

光緒二年十一月十一日

再大軍進規南路一切布置情形已詳陳在案適因瑪納斯南城未克需軍助剿劉錦棠分軍赴之戎機遂滯比九月二十一日賊事原派馬步各營收回已在十月正值大雪封山冰凌凝結之時師行不便且劉錦棠自前赴南路搜剿逸賊行次感受瘴氣致染沈疴派營赴瑪納斯時卽已困憊難支浸至不省人事迫由古城覓醫診治始就痊可然旋愈旋發尙未復元而所部弁丁因轉戰而前未得休息旋又收割賊種秋糧勞乏之餘多染疫氣幸入冬時證漸次減退稍予調養可冀如常臣函致劉錦棠酌定師期以明歲春融爲妥屆時金運昌一軍亦可赶到後路可期周密見正

奏稿卷四

七

聖鑒謹 奏

軍機大臣奉

旨另有旨欽此

軍機大臣字寄光緒二年十一月二十五日奉

上諭前據左宗棠金順馳奏克復瑪納斯南城大概情形茲復據奏陳詳細戰狀并左宗棠奏滅汰北路征軍請撥部款及規畫南路情形各摺片本日已明降諭旨宣示特予金順并劉宏發等優獎出力陣亡各員照請獎卹矣見在北路一律肅清各城防守事宜自應妥籌布置金順一軍爲數不少見值餉需缺乏必須汰弱留強庶軍士不至飢疲驅策可資得力左宗棠請撥部款四十萬兩作爲金順所部裁遣之費惟部庫需用浩繁亦形支絀本日已諭知戶部撥給銀二十萬兩并將各省欠餉催令撥解矣金順俟撥款解到卽著將所部各營分別裁汰歸併其遣撤之兵亦當妥

奏稿卷四一九

三

籌安插毋任滋事劉錦棠張曜等軍規取南路見值冬令嚴寒大雪封山未能進發祇可暫時休息一俟春融冰泮卽著飭令各軍鼓勇前進迅掃逆氛廓清疆圉前因榮全不候諭旨遽赴瑪納斯城助剿殊屬冒昧已諭令折回塔城其所奏請將出力各員獎勵未免過優雙眼花翎尤非臣下所得擅請所有榮全原摺單各一件片三件均著鈔交左宗棠金順覆覈另擬具奏再降諭旨將此由六百里各諭令知之欽此

